

國朝耆獻類徵初編卷四百一目錄

儒行七

李明性

顏元

潘天成

丁珏

汪佑

徐鄰唐

王餘佑

白煥彩

應撫謙

凌嘉印
徐狷石

沈士則
施相

姚宏任

胡承諾

國朝耆獻類徵初編卷四百一

通奉大夫前署江西巡撫江西布政使司布政使湘陰李桓輯
儒行七

李明性

李孝愨先生以康熙二十二年八月卒葬有年矣其子堪登康熙
二十九年庚午鄉書明年試禮部既歸而嫡母馬孺人卽以是年
閏月又卒與先生合葬服闋慨然曰禮云居喪未葬讀喪禮既葬
讀祭禮喪復常讀樂章今古樂並亡誰當讀者客有以予所著

皇言定聲錄竟山樂錄二書餽之讀而悅然卽束裝越三千里就
予受樂凡三日盡得舊所傳五聲二變四清七始九歌十二律諸

遺法去且能正予書譌謬二十餘字瀕行再拜曰先孝愨儒者也
不孝身親凶功已一十五年未有片石填土中而先慈從之幸而
封甫乾將復琢柱於壟傍且以麗牲先生其可無一言褒施之乎
予曰然按保定多儒者容城孫奇逢以奇節講學蘇門閒祁州與
人刁包聚生徒里閭先生獨篤行卻講謝弟子謂學貴實踐合內
外期於有用乃闔門從謹身始型於家惇於所親漸以及邦人邦
人信之大率貌樸而莊衣布袍覆瓦壘巾或高胎絨巾而禮容溫
然言論伉直而訥訥不卽出性嚴介而予人以和當太公在時雞
鳴盥漱率馬孺人拜於庭然後登堂聽寢聲徐徐問安顧太公春
秋高日必五六食每食必燥溼甘苦察所宜手捧持之會天寒雞

鳴而起淪豕羹於稊稻之間先然鐙於堂反持羹而鐙已熄念置羹取火羹必寒如何正徬徨閒而鐙燼忽然若神助者或曰此孝之感云至其自奉則礪糧連覈作糲和菜菹而沃以沸水頃刻一二盥不知其羶也先生嘗慨世儒憚詭求身心不實舍求事物乃求事物又不實徒窮致物理於古所編摘之書而註事說物益復不實乃遂屏棄事物不道漸至兵農禮樂由賜求亦皆斥之爲舍己爲人之事然則學亦安用矣因與同邑王法乾訂身心之學又感五公山人王餘佑大節與之論有用之學錄孔聖全書及通鑑事蹟可施用者顏習齋者博陵儒也謂聖人無心學而有其學乃自立爲學次第雜取少儀內則諸篇定幼學之準而以古文禹謨

李氏周官經所云六府三事三物爲節目究竟彷彿班氏王學限
年責功之說而心學闕焉乃謂先生崇實學與其說合齋宿過先
生先生不與見旣而見不荅先生於諸客之過未嘗不荅而獨不
荅於習齋卽習齋亦不以先生不荅而不之過嘗過先生值他出
見案前所錄書大驚歸而書先生姓字於屏每出入必拱揖焉願
習齋籍博陵而寄僦於蠡城之東村先生由里居之鄉由鄉之里
居必經習齋門不一人也然而先生遇雖疎終以其學切實遣子
堪與游堪雖秉家學然亦學云先生諱明性字洞初孝慈
者學人所易名也少與兄成性弟盡性皆蠡縣諸生有聲譽鼎革
初先生不出試客有以出試勸先生者先生飲之酒旣醉浩歌使

客不得言順。八年兄以覃恩貢於廷授府判官而是年恩
詔郡縣舉學行兼優一人時已推先生先生辭之初居城東曹家
菽園田令下廬舍疆剛皆受園於旗獨奉太公入城居太公卒復
奉母居鄉之賸廬及母又卒而兄弟之子有不幸者復爲之經理
遺幼往來鄉城間嘗在邑里修比師閭長之教凡婚喪祭祀養老
讀律必躬帥盡禮而其在鄉則出民入民各有程度暇卽與鄉人
較射每鈎弦目光箕張鄉耆老見之輒流涕曰李二公少時當崇
禎之季羣盜蠡起二公從太公帥鄉人保守戒勿爲盜鄉人感之
卽他盜過二公門插幟門左禁勿入當是時二公揮利兵用長木
箭跨生馬疾馳可敵萬人惜今不見也先生生於萬厯四十三年

少馬孺人二歲而先孺人九年卒孺人有懿行無子副以易州世襲錦衣衛指揮使馬公斌女生子五孫一堪其長子也孺人同馬姓而殊系歡如姊妹推讓所生子而同懷之堪乞銘時累以馬孺人懿行爲言嗟乎賢已乃爲銘銘曰
嗚呼此蠡吾李仲之墓而以德配祔

右墓表毛奇齡撰

蠡吾李孝愨先生隱君子也爲前諸生年甫壯絕意仕進不復攻舉子業有強之者與飲酒長歌以謝客無復言詔下令郡縣舉學行兼優一人人以先生當之辭不赴奉太翁素先公鵲鳴而起拜於堂下然後升堂問安飲食嗜好伺所向而適之侍疾衣不襦

帶三閱月聞呻吟聲卽先意詢所欲日五六食必躬進廁牕溺矢必親滌久之親安於所事頃刻不能離更易之不願也素先公旣歿哀毀骨立菜果醯醬數月不入口三年不飲酒食肉襄事一稟古禮比遭母夫人喪亦如之事兄瞿瞿然讓公田不私所有人高其義至禮容秩秩歡洽無閒登其堂者率感歎去先是世亂素先公出家貲助里中貧乏勸少年勿爲盜人德之盜屏跡他寇至輒軸矢標其間曰李公長者毋相犯時所在盜蜂起先生負勇略有志與鄉眾約守望儲糧械時時習射以資捍禦甲申後謝世事不復問一意誦法先王念聖學以敬爲樞紐顏其齋曰主一每晨興讀孝經大學中庸朱註各編然後旁及他書潛玩默體務期實

致之躬博陵顏習齋訪先生於家見手錄日記及所輯性理通鑑
諸書大歎服歸而揭姓字於座上出入拱揖以志所向邑有王養
粹者志可造先生貽書訂學人樂遊其宇競砥於孝弟忠信之行
其嫉邪慝也辭色初不少假患佞佛者蠹聖道水其書絕其徒終
身不一履其地晚年謹獨過欲之功內省益密不類世之表暴於
外者人固不得而識之也家素饒經滄桑變易田被園食指且著
絀於用至難堪乃與人言絕口不道貧字守志益定持節益嚴視
天下不義之富貴若將浼焉彌留之際屏婦女勿近猶顧謂子行
屬饋禮學至此時爲用其亦一息尙存不冒少懈者與先生諱明
性字洞初號晦夫卒於康熙二十二年癸亥年六十有九學者私

謚爲孝愍先生其配馬孺人以孝謹佐夫子成德子堪庚午科舉
人勵志爲聖賢之學壘培竣礧俱業儒

論曰上谷多隱君子先生之孝友節義卓冠一時挹其家風殆居
然有道者嗣君堪更刻勵躬行汲汲然取人善噫李氏之子當必
有遞興者矣

右傳寶克勤撰

（The main body of the page contains multiple vertical columns of text, which are extremely faint and illegible due to the quality of the scan. The text appears to be organized into approximately 10-12 columns, separated by vertical lines. The characters are too light to be transcribed accurately.)

顏元

顏元直隸博野人明末父戍遼東歿於關外元貧無立錫百計覓骨歸葬世稱孝子其學主於勵實行濟實用大抵亦出姚江而加以刻苦介然自成一家著存性存學存治存人四編元生於國初目擊明季諸儒心學縱恣之失故力矯其弊務以實用爲宗然其中多有激之談攻駁先儒未免已甚其視性命亦幾類禪家之恍惚不自知其矯枉過正至謂孟子言性善與孔子言性相近習相遠語異而意同會通孔孟正未可謂之立異矣

右 國史館本傳

顏元字渾然又字習齋博野人明季父戍遼東衛卒於戍所元貧

不能治裝束徒步數千里至關外覓父骨歸葬世以爲孝子元論
學雖宗王守仁加以清剋潔慤自爲一家之說嘗論孟子性善卽
孔子性相近習相遠意同而語異時人追味以爲知言又矯後儒
心學放恣之弊徽州姚際恆作庸言錄謂周程張朱皆出於禪其
說本於元又謂聖人無心學而有其學乃自立爲學次第雜取少
儀內則諸篇定幼學之準而以古文禹謨李氏周官經所云六府
三事三物爲節目彷彿班氏王學限年責功之說而心學闕焉著存
性存學存治存人四編其門徒習之

右文獻徵存錄錢林撰

潘天成

潘天成江蘇溧陽人寄籍桐城爲安慶府學生幼與父母避讐相
失年十五乞食行求往來宣歙萬山中走且哭每至一村持爨大
呼作鄉語觀者輒笑至江西界母金氏自巷中出遂相持哭迎父
母歸傭販以養荆谿湯之錡師高攀龍以體認天理躬行彝倫爲
教天成以其聞受業焉又學於梅文鼎年七十四竟窮餓以死藁
葬惠應寺側遺書鐵廬集五卷其門人荆谿許重炎傳其學謀葬
之且編其集天成學源出姚江以養心爲體以經世爲用出自寒
門天性真摯人品高潔精神堅苦足以維風俗勵人心瞿源洙作
潘孝子傳身沒嗣絕人至今傳之

右 國史館本傳

潘孝子名天成字錫疇別號鐵廬溧陽黃堰里人年十三遭家難
父母弟妹竄迹他郡孝子後不及幾爲仇人所斃旣免之旁郡邑
蹤跡其父母不可得乃沿道尋訪走且哭晝行孤嶺夜宿窮山嘗
過池州青陽縣白沙嶺夜靜無人踞古廟壞梁而臥風悲月白虎
聲撼山谷孝子心無所怖獨思其父母不置悲歌一詩有獨向西
風淚萬行之句行遊徽甯兩郡萬山中訪知父母所在至其處又
他徙矣孝子誓不反顧躑躅深巖窮谷徧問村落女子間至爲販
豎以進乃得遇於某縣之某里山人聚觀駭歎交口稱孝子蓋尤
悲其幼也時年十有五矣遂與其父母謀歸故鄉計其資需五十

餘金孝子乃復出遊假貨道遇二商人問所由來大義之名解囊以贈孝子乃持金至父母所令其弟侍父先歸自奉母挈妹以行隆冬嚴寒天大雨雪谿谷間深沒脛孝子背負其母前行數里許置母反舊處抱妹至母所復置妹負母以行往反道上赤腳走雪地中膚裂血流雪盡紫行道者咸哀之於是迎其父母復歸故里而郡邑聞之者皆稱曰孝子孝子云先是孝子行求親詣日者劉先生卜之得吉遂從劉先生就婚於滇南劉爲誠意伯嗣孫與其婦家婚約值滄桑之變不相聞知其婦守志於滇已五十餘矣劉亦六十餘始通音問赴前約孝子請爲其弟子遂與南行出入蠻獠荒徼望點蒼洱海之勝又從劉先生西北遊渡瀘水入成都過